

# ZAPISNIK

## sa IV sjednice Privrednog savjeta općine Bosanska Krupa

Sjednica održana dana 24.12.2019.godine u zgradi općine Bosanska Krupa sa početkom u 10,00 sati

Prisutni:

Članovi Privrednog savjeta: Sead Mujagić (IBRAHIMOVIĆ d.o.o.), Samir Mesić (INFOSYS), Dženan Džafić (KRUPA KABINE), Tahir Nuhić (ATNH d.o.o.), Armin Halitović, Esma Hergić, Azra Veladžić,

Općina: Suvad Aličević, Aldijana Mahmić, Sadika Halitović

Odsutni članovi: Mensud Šahinović, Dino Zjakić, Hikmet Todorovac, Anel Bešić, Tarik Halkić, Miodrag Adamović, Zeid Mujić, Azra Huzejrović, Nijaz Tatarević

Tehnička asistencija: Aida Šertović i Selma Šehić

Dnevni red:

1. Usvajanje Zapisnika sa III sastanka Privrednog vijeća
2. Informacije o važećim odlukama:
  - Odluka o utvrđivanju bazne cijene kao osnovice za obračun naknade za uređenje građevinskog zemljišta za 2020. na području općine Bosanska Krupa
  - Odluka o utvrđivanju vrijednosti boda komunalne naknade za 2020.
3. Prijedlog Budžeta općine Bosanska Krupa za 2020.godinu i Odluke o izvršenju Budžeta općine Bosanska Krupa za 2020.godinu
4. Prijedlog Progama zajedničke komunalne potrošnje za 2020.godinu
5. Ažuriranje Programa kapitalnih investicija za period 2020 - 2024
6. Diskusija, zaključci.

Ad.1/

Zapisnik sa III sjednice Privrednog savjeta bez posebnih komentara usvojen je jednoglasno.

Ad.2/

- a) Pomoćnik načelnika Službe za prostorno uređenje Suvad Aličević je obrazložio da će bazna cijena kao osnovica za obračun naknade za uređenje građevinskog zemljišta za 2020.godinu ostati ne promjenjena odnosno 70,00 KM, zbog općeg stanja iako bi stvarna vrijednost trebala biti između 90,00 i 100,00 KM. Cijena m<sup>2</sup> stambenog

prostora za obračun također ostaje na nivou predhodne godine iznosi 600,00 KM po m<sup>2</sup>.

- b) Općinski načelnik Armin Halitović je obrazložio da će vrijednost boda komunalne naknade za 2020.godinu iznositi 0,008 KM po m<sup>2</sup>, odnosno manje u odnosu 2019.godinu kada je vrijednost bila 0,09KM u prosjeku između 10 i 15 % će se plaćati manje nego u 2019.godini.

Samir Mesić : Smatram da se trebamo odreći politike dobročinstva obzirom da je sve poskupilo i te naknade i cijene stambenog prostora bi trebale biti veće. Ono što zamjeram upravi, što još uvijek proces pripreme tih naknada nije dovoljno transparentan .

Sead Mujagić: Odluke bi se trebale donositi na osnovu trenutnog stanja na tržištu. Trebalo bi se raditi na tome da se više uvažavaju Odluke, Prijedlozi i zahtjevi Privrednog savjeta ili udruženja privrednika tako da se smanji politiziranje. BFC certifikat nas sviju obavezuje da se predlažu odluke koje su mjerljive i ekonomske opravdane, neovisno od izbora i izbornih godina.

Sadika Halitović: Samo planiranje budžeta i svi procesi trebaju biti provedeni na osnovu propisanih procedura. Ovaj proces ide postepeno i u skladu sa reformama.

Esmā Hergić: Mi imamo akcione planove i PPVI procedure, planiramo strateške i redovne poslove. Službe pripremaju godišnje planove ,ali sve ne može uticati na političke odluke.

Armin Halitović: Regulacioni plan poslovne zone Pilana je jedini urađen kako treba svi ostali su rađeni za već izgrađeno područje sa manjim intervencijama. Sud veoma sporo rješava imovinsko- pravne odnose što utiče na otvaranje novih lokacija za investiranje.

Predsjedavajući Sead Mujagić: Informacija se prima znanju uz napomenu da se Općinsko vijeće mora uključiti u reformske procese planiranja i usvajanja budžeta uvažavajući sve primjedbe i prijedloge koji su danas iznešeni.

Ad.3/

Sadika Halitović pomoćnik Službe za finansije je izvjestila prisutne o Prijedlogu budžetu za 2020.godinu i detaljno obrazložila planirane stavke.

Sead Mujagić: Obzirom da je povećan budžet za 780 000,00 KM na kojim stavkama se povećava i gdje će se utrošiti ta sredstva. Hoće li biti utrošena u poboljšanje infrastrukture i kvaliteta života, npr.ako se smanjuje broj djece postavlja se pitanje treba li i dalje ulagati u školske objekte. Zadatak Privrednog savjeta je da prati šta je urađeno u predhodnom periodu konkretno vezano za upisnu politiku u školama.

Samir Mesić: Mene ne zanimaju kapitalni izdaci i primici, mene zanimaju planovi službi odnosno šta će raditi i kako će puniti budžet odnosno koliko se prikupi kapitalnih naknada u odnosu na predhodne godine i da vidimo šta će se finansirati iz prikupljenih sredstava.

Dženan Džafić: Ovo je IV sastanak i primjećujem da nas je na svakom sastanku sve manje. Moja motivacija je da poboljšam život nas privrednika. Nažalost mi se dotičemo tema za koje nemamo mandat i nemamo konkretne zaključke. Zamolio bi da se dnevni red konkretizira i

da se donesu konkretni zaključci. Informisati se odlukama možemo i putem WEB-a i maila. Ovo je gubljenje vremena.

Tahir Nuhić: Razumijem gospodina Mesića i njegovo insistiranje da bude sve javno i transparentno, ali to je sve obzirom na političku situaciju teško izvodljivo.

Predsjedavajući: Predlažem da razriješimo neaktivne članove Privrednog savjeta i predložimo nove. Informacija o Prijedlogu budžeta prima se k znanju.

Ad.4/

Izvjestilac Aldijana Mahmić viši stručni saradnik za infrastrukturu Službe za komunalne djelatnost: Obrazlaže Prijedlog Programa zajedničke komunalne potrošnje za 2020.godinu i finansijski plan za realizaciju istog. Većinu planiranih poslova će obavljati JKP „10 juli“, osim zimske službe i javne rasvjete za koje radove će biti provedena procedura odabira izvođača.

Samir Mesić: Upitan je kvalitet izvođenja radova koji su planirani u Programu i način praćenja kvaliteta.

Aldijana Mahmić: Kvalitet izvođenja radova prati inspekcija i predstavnici službe.

Predsjedavajući: Prijedlog Programa zajedničke komunalne potrošnje za 2020.godinu prima se k znanju.

Esma Hergić ispred Službe za upravljane razvojem izvještava Privredni savjet o provedenim procedurama izrade dokumenta.

Predsjedavajući: Informacija se prima k znanju.

U nastavku sastanka Esma Hergić ispred Službe za upravljanje razvojem koja je tehnička asistencija Privrednog savjeta predlaže da se za iduću sjednicu pripremi informacija o prisustvu članova savjeta na sjednicama i da se pripremi Program rada za 2020.godinu.

## ZAKLJUČCI:

1. Privredni savjet treba biti uključen u periodu pripreme odluka, programa, budžeta i drugih dokumenata koji direktno utiču na rad privrednih subjekata i kvalitet života lokalne zajednice.
2. U fazi izrade nacrtu budžeta potrebno je pripremiti dovoljno detaljnih informacija o tome koji će se kapitalni projekti finansirati.
3. U fazi pripreme sastanaka Privredni savjet će voditi računa o tome da se predlažu tačke dnevnog reda za koje Privredni savjet ima mandat da raspravlja, predlaže i odlučuje.
4. Služba za upravljanje razvojem se obavezuje da pripremi podatke o prisutnosti pojedinih članova Privrednog savjeta na sastancima. Na osnovu navedenih informacija će se predložiti razrješenje neaktivnih članova imenovanje novih.

Sastanak završen u 11,45 sati

Zapisnik pripremile:

Aida Šertović 

Selma Šehić 